

Perkasa: Himpun berjaya, pemimpin Umno dan PAS muncul pentas sama
The Malaysian Insider
23 Oktober , 2011
Oleh Melissa Chi

KUALA LUMPUR, 23 Okt – Meskipun Himpunan Sejuta Umat (Himpun) gagal mengumpulkan 100,000 hadirin yang disasarkan tetapi ia berjaya menyatupadukan Muslim segenap lapisan masyarakat, dakwa pertubuhan bukan kerajaan membela hak Melayu Perkasa hari ini.

Setiausaha Agung Perkasa Syed Hassan Syed Ali berkata, baginya kempen semalam adalah sesuatu berjaya kerana membawa bersama pemimpin Umno dan PAS.

“Bagi saya ia satu kejayaan. Salah satu bahagian yang berjaya ialah ada pemimpin PAS dan Umno di pentas yang sama dan individu lain yang tidak menganggotai mana-mana parti.

“Saya percaya ahli-ahli Umno atau PAS dan Melayu dalam Keadilan, mereka semua sokong (Himpun) tetapi kemungkinan mereka kena ikut arahan daripada pemimpin mereka, yang saya tak faham mengapa mereka tidak dibenarkan,” kata Syed Hassan pada sidang media hari ini.

Syed Hassan berkata himpunan itu merupakan salah satu daripada banyak amaran kepada sebarang usaha untuk memurtadkan Muslim.

“Ini untuk menunjukkan bahawa jika ini berterusan, perhimpunan akan menjadi lebih besar,” katanya lagi.

The Malaysian Insider
Hakcipta © 2011 The Malaysian Insider
Source: <http://www.themalaysianinsider.com/bahasa/article/perkasa-himpun-berjaya-pemimpin-umno-dan-pas-muncul-pentas-sama/>